



Nagaland State government niu Chingwang Konyak tu People’s Democratic Alliance (PDA) Coordination committee gu chairman leng kada khai mide

Hun Thadou Cultural Festival, Kangpokpi gu Closing ceremony joura leng 2021 ga Miss Universe doulubo pui, India gu model Harnaaz Kaur Sandhu Manipur ga wangtang mide



Zengtung 20 Kajinghiu 2023, Kajannai -Office Gaililong, Tamei. PO-Tamei, Tml. Dist. Manipur Vol.II. Issue 26 page 1

“Chiudi Rapiu haira malumbui bo-e, siniu naliutu panu pitan khai bine, khatdi kasabo piu khugasu gukhaibine”.
2 Thessalonimai 3:3

ATSUM gu agitation hai Kajinghiu 24 gasu tadkiu lan ne

Naga mai lungpad kahou bogu tusom hai Makhel ga lepad khai mide



Senapati, Kajinghiu 17:

Naga mai lungpad kahou bo tu maningtoubo tusom hai Makhel ga lepad khai mide. Sibon Tu hai Onaeme (People of Oinam Hill Village) dungniu som khaijiu, Makhraimai (Makhel) Nam gu Nampui thiubam bo S Pfohkreni niu Nampui-piu mai khatdi Makhel nam gu Kating mai mathiu masong ga Mennai, Kajinghiu 17, 2023 bonai lepad khaijiu thoikhai biye. Haibo tatu lepadbo ngam kam si Onaeme dung khatdi Makhraimai aronglujiu ndengkhaibo we, siga nam gu katingmai, chabon mai sigasu Taphou Onaeme dung niu wangjiu padam lukhai ye Sibon tusom, Onaeme dungniu som khai bo hai Onaeme dung nai Makhraimai (Makhel mai dung) khatdi Naga gu tribes, Sub-tribes

khatdi kiphieu dungniu lung macham khailuji Makhrai (Makhel) gasu lung tam tam pad mibo tu maningtou bam ra leng ye, chiujiu haibo tenrang marang khaimai nai parit lukhai mainiu dinne.

Haibo Tusom hainiu aliugu Onaeme maigu paphibang ga lamchap thiukhai bo e. karai ting Makhrai ga Onaeme mainiu taniang niu taliulubo chagam lii thinjiu katiu-kasak langjiu, khatdi chara thiubo ga taniang niu taliu lubo chakuang chapiang thinjiu bam niu bo we. Chiujiu sibo tatu lepad bonai karai ga tad bam niu bo tacheng chariak kumjiu Onaeme Hill namdung khatdi Taphou Onaeme Namdung niu maikhat di tatien chariu thiumak jiu manit khai mide.

-Ukhrul Times

WSFO niu GOI tu NSCN/ GPRN (Akato Chophi) panai kakga ceasefire hai sign thiumira kheng mide



Dimapur, kajinghiu 19:

Western Sumi Frontal Organisations (WSFO) dungniu government of India tu Akato Chophi niu Majangbam bo NSCN/GPRN panai kak ga Ceasefire agreement si bam mira lo chiujiu khengkhai mide.

Haibo appeal si WSFO dungniu NSCN/GPRN (Akato Chophi) panai Hoito Namga machanai makhiam arongbo ga khengkhami bo we. chiujiu sibo arongbo ga palam kakeng lam makhiam thiujui, WSFO dungniu Akato Chophi tu Support thiubam ra di dinkhai ye. Western Sumi Kukami Hoho (WSKH) niu makhiam ra Akato Chophi niu majang bam bo NSCN/GPRN tu kubo we, siga Hoho niu NSCN/GPRN (akato Chophi) tu faction clash si piji padkhai ta mira di dintou khai mine, chiujiu WSKH gu president N Victo Achumi niu makhiam loipad jiu media mai khuga din ne.

Khatdi WSKH gu vice president Lhovich Achumi niudi sibo nai macham jiu dinjiu sibo makhiam kubo hai aliu singna kak ga tajai tana si piji padkhai tamilujiu, aliu chuncham jiu changam kamra leng ye. chiujiu sibo makhiam ga India gu Government khuga piji Akato chophi gu Faction tudi Ceasefire ga bankhai mira khengbo we chiujiu Vice President niu dinne.

-ME.

Imphal, Kajinghiu 18:

All Tribal Students’ Union Manipur (ATSUM) pawan khat mathak mibo Agitation si kajinghiu 24, 2023 bonai tadkiu houlan ne chiujiu dinne. RIMS gu authority dungniu ATSUM, RIMS khatdi Manipur government niu makhiam thiulu jiu Kajinghiu 3, 2023 bonai suikhai mibo si tadkiu khai makbo tu suinimak jiu agittation haisi tadkiu houlan mira ye chiujiu ATSUM niu dnne. Tripartite Agreement si palam sum (i) RIMS niu 03-03-2023 ga LDC gu changam lubo ra results madupad mibo si cancel kam mira, (ii) LDC gu chakam lubo ga reservation SC(3%), ST (34%) khtadi OBC (13%) gasu results si nidkak khat lungga madupad mira, khatdi (iii) Group C khatdi Group D gu chakam luboga tajai khatdi DoPT gu guidelines gasu tadkiu ra. haidung lamra phomsom niu suikhai mibo we.

ATSUM niu RIMS gu LDC chakam ga chamai 15 tu Reservation norms majai makjiu backdoor appointment kamkhaibo si lupad mira tanjiu dinsan khaiye. Kajinghiu 17 bonai ATSUM khatdi pahang ga bambo chaphom dungniu makhiam thiujui, RIMS authority niu tripartite agreement kampang bo tu suinimak jiu Agitation hai Kajinghiu 24 bonai tadkiu houlan ra dinjiu, siga tripartite agreement kampang khaiboga joubo RIMS authority dung tu action pikhaira khatdi Kajinghiu 3, 2023 bonai pikhaibo memorandum suikhai mibo si tadkiu khaira din khai mide.

-The Sangai Exp.

Kalang sulo, Pawan Loiwang mide!!

- *Piulong Meadow meng Rou alet bo sidi bam me .
- *Pikhaira kanambo tingmikpui : Kajinghiu 20, 2023
- *Pikhaira bo pakhai : liangmaifoundation@gmail.com

INVITATION

Open essay writing competition on **PRESERVING PIULONG MEADOW**

org by **The Makuilongdi Express**

LANGUAGE - ENGLISH

WORD LIMIT - 1000 TO 1200

LAST DATE OF SUBMISSION - 20.04.2023

to be submitted at liangmaifoundation@gmail.com

win Exciting PRIZES
1st - Rs. 3000
2nd - Rs. 2000
3rd - Rs. 1000

Chalad N-bung
Angangnah = Akhuga bamta mibonah tu adoulan boga Angangnah kuwe.

Liangmai Orthography

Locative/Post Position	Personal Pronoun
-ga	aliukhu ga, nanaikhu ga, akhu ga, pakhu ga
-ga	Noun (inanimate)
Indefinite Pronoun	Chaky ga Maluang ga (Maluang tonga)
maikhu ga,	Parun ga (Parun
soukhu ga,	singga)Nkou ga,
mathiukhu ga	Paliu pee ga, Religion ga (Religion lamga)

Note:- Locative Marker (post position) haisi pabam hina ga zu npiak milo. Haisi wa gu syntactic rule haye chiudi Uniformity lengnge. Chiudi -riga, pahangga kumbo wan ga rao taruang lo, palamra -ri, mak sai -pahang chiubo ronra ra paramba pad lakbo bamme. Pahang, pari chiubo hina haisi Post Position gu Domain ga bamme.

Table 8: -ga haitu Sentence ga raokhairabo za

Allative Marker	Personal Pronoun
-lam	akhu lam, pakhu lam
lam (movement towards a place)	,paliu khulam, nanai khulam
Noun (inanimate)	Indefinite Pronoun
Chaky lam	mai khulam, sou khulam, mathiu khulam
Maluang lam	
Namtiram lam	

Note:- Allative Marker -lam haisi pabam hina ga zu npiak milo. Haisi wa gu Syntactic rule haye chiudi Uniformity lengnge.

Table 9: -lam haitu Sentence ga raokhairabo za

Mathen Cham



Ukhrul, kajinghiu 18:

Sagolband United niu 30th Sirui Lily Cup 2023 gu title hai YOSC-khurai tu 12-11 penalties gasu ngam jiu, Sagolband United (SU) niu papi ponlu de. Ukhrul District Sports Association niu marang khaibo Sirui Lily Cup 2023 gu final match hai Ukhrul HQs ground ga SU nai YOSC-khurai mathen lujiu 1-1 draw tadjiu penalty kambo ga SU niu YOSC-khurai tu 12-11 gasu ngam mide.

BJP gu MLA Karam Shyam niu Tuorism Corporation of Manipur gu Chairman bam phut mi de



Imphal, Kajinghiu 17:

Th Radheshyam niu kajinghiu 13 bonai Resignation pilubo sai, Manipur gu BJP MLA Karam Shyam niu mennai Tourism Corporation of Manipur gu chairman bam gasu patu lupad mira resignation pikhai jiu , govt niu changam si wakhatdi patu malumjiu patu pikhai makge chiujiu palung makjiu Shyam niu dinne.

“I niu Manipur gu Tourism Corporattion gu Chairman bam gasu pad mine,chiujiu chairman thiujui changam tadkiura aleng changam wadi pimak ge”, chiujiu BJP gu MLA Karam Shyam niu pagu resignation ga roukhajiu CM N Biren Singh khuga pikhai mide. BJP gu MLA Thokchom Radheshyam niu Advisor to the Chief Minister bam gasu padmine chiujiu pagu resignation pilubo sai nidkak khat sai ga Karam’s gu resignation haisi pikhai lan mide. Karai bo N Biren Singh niu majangbo BJP’s Coalition Government ga Karam hai CAF&PD gu Cabinet Minister In-chargethiukhaibo we

-The Sangai Exp.

Eikhoigi Yum chiubo film niu Audience Choice Award doumi de



Imphal, Kajinghiu 17:

Romic Meitei niu kampadbo film Eikhoigi Yum (Our Home) niu USA, Austin city ga tadkiubo 8th Indie Meme Film Festival 2023, gu Audience Choice Award for Best Narrative Feature film dou lude. Eikhoigi Yum niu south Asian films 35 rong ga su kadapad jiu award si doulubo we. Indie Meme Film Festival 2023 hai Kajinghiu 12 gasu 16 lung ga Austin City, USA ga tadkiubo we. Eikhoigi Yum kubo film niu tuhoi disu thengsu khangbo gasu aliugu environment tu akhejiu rankhaibo champao si pikhai bo we.

Romi Mete gu Film Eikhoigi Yum hai karai ga FIPRESCI Award si Best Internal Film ga di pikhaibomibo we sigasu 2022 gu 14th Manipur State film Awards gadi Best Feature Film Award si doumibo we.

Eikhoigi Yum film hai wangkingbo 45th Moscow International Film Festival kajinghiu 2 ,ga tadkiu hourabo gadi lenkhaira kada lumibo we

Wa Makum chamkhe

Aliu khuga tadui chariu mibo si ndeniu lo chiubo aliu wa makum mawi ra pageng bam me!!



PIULONG MEADOW CUM PENNIA (WILD MUSHROOM) FEST 2023

Theme: *Preserve Nature, Celebrate Nature.*

Organised by: **The Makuilongdi Express**
in collaboration with Piulong V/A, LNC, LNKR, L NPR, Save the Rivers Foundation & Nature Club

25 - 26 April 2023

Chief Guest & Brand Embassy for Nature and Tourism:
Dr. Aiyon Aboamai, President, Palace Ministries, Intending Candidate for Outer Manipur Parliamentary Constituency

Ambassador:
Wangraibou Ngonamai, Director, Lungsiat Ministry

Salam Rajesh, Member, Commission on Environmental Economic & Social Policy, IUCN
Topic: Conservation of Biodiversity and Wildlife for Future

Nampibou Marinmai, Jt. Director, Ministry of Defence, GOI
Topic: Tourism Industry is an Engine of Economic Development

Witoubou Newmai, Editor, Newmai News Network
Topic: Media & Society

Mani Charenamai, Ex MP
Topic: Sustainable Resources Management to Mitigate Climate Change

Organised by: **The Makuilongdi Express**
In collaboration with Piulong V/A, LNC, LNKR, L NPR, Save the Rivers Foundation & Liangmai Nature Club
Supported by: Manipur Royal Riders & Zeliro Ventures Southern

Media Partner: **ISTV Network**

Piulong, Tamei, Tamenglong District, Manipur

25 - 26 April 2023